



Page: 19

Reach: 50000

Country: BOSNIA AND HERZEGOVINA


Size: 126 cm2

1 / 1

Određen ekstradicioni pritvor uhapšenom u Sarajevu Da bi zametnuo trag, Luka Josipović promijenio ime u Safet Hrustić

Ranko Debevec, sudija Suda Bosne i Hercegovine, odredio je ekstradicioni pritvor u trajanju od 18 dana Luku Josipoviću (44), alias Safetu Hrustiću, državljaninu Italije, kojeg su pripadnici Državne agencije za istrage i zaštitu (SIPA) uhapsili u utorak na području Sarajeva prema potjernici koju je raspisao Interpol Zagreb.

- Pritvor može trajati do 24. januara ili nove odluke Suda - kazali su nam u Službi za odnose s javnošću Suda BiH. Interpol Zagreb raspisao je, naime, potjernicu za Hrustićem radi hapšenja i izručivanja Republici Hrvatskoj zbog sumnje da je



Hrustić: Uhapšen nakon dojave građana

počinio krivično djelo ovjera lažnog sadržaja. Za Hrustićem je i italijanska policija raspisala nalog, prema kojem se traži njegovo hapšenje zbog krivičnog djela organizirani kriminal u vezi s trgovinom drogama. Pripadnici SIPA-e uhapsili su Hrustića

nakon dojave građana. Prilikom hapšenja, kod njega su pronađeni falsificirani dokumenti na lažno ime. Hrustić je proteklih godina, kako saznajemo iz izvora bliskih istrazi, bježeći od policijskih agencija, koristio više lažnih identiteta. **Am. K.**